



# BIRASGÁHTTENMEARRÁDUSAT

## Sisdoallu

ALMMOLAŠ MEARRÁDUSAT .....	4
1 § Ulbmil .....	4
2 § Mearrádusaid addin ja gohcin .....	4
3 § Mearrádusaid heiveheapmi ja oktavuoha eará mearrádusaide.....	4
4 § Meroštallamat .....	5
ŠLÁMA JA SPARGASA DUSTEN .....	7
5 § Doaimmat, madda ii heivehuvvo birasgáhttenlága 118 § meannudeapmi.....	7
6 § Unohas šlápma ihku .....	8
ÁIMMUGÁHTTEN .....	8
7 § Huksen-, burgin-, ortnegisdoallan- ja buhtisindoallanbarggut.....	8
8 § Visttiid boaldin.....	9
KEMIKÁLAT .....	9
9 § Váralaš kemikálaid ja váralaš bázahusaid vurken ja gieđahallan.....	9
10 § Lassemearrádusat kemikálaid vurkemis bodnečáhceguovllus.....	10
BÁZAHUSAT .....	10
11 § Muhtun bázahusaiguin ávkkástallan eanahukseamis.....	10
12 § Eatnanvuloš oljotárkka geavahusas eret bidjan.....	11
13 § Deattagieđahalloyuvvon muora geavaheapmi.....	12
14 § Bákte- ja energiijabovrragáivvuid bovrren ja eará bohkan.....	12
ČÁZIIDGÁHTTEN .....	13
15 § Bázahusčáziid gieđahallan guovlluin bázahusčáhcebohcefierpmádagaid olggobealde .....	13
16 § Vuodjinfievrruid, mášeniid, fatnasiid ja eará sullasaš rusttegiid ja tekstiillaid bassan.....	14
EANANDOALLU JA EALLIT JA BOAZODOALLU .....	15
17 § Veahkagilvvaniid geavaheapmi guovlluin, mat billašuvvet álkit.....	15
18 § Muhkkerájuid, eallidsujiid ja ealliid ollogárdiid báikki válljen .....	15
19 § Beatnagiid gárdun .....	15
20 § Boazodoallu.....	16
EARÁ MEARRÁDUSAT .....	16

21 § Muohhtaga vuostáiváldinbáikkít .....	16
22 § Spiehkaseapmi .....	16
23 § Birasgáhttenmearrádusaid rihkkun ja čuovvumušat .....	16
FÁPMUIBOAHTIN.....	17

## ALMMOLAŠ MEARRÁDUSAT

### 1 § Ulbmil

Birasgáhttenmearrádusaid ulbmilin lea birasgáhttenlága (YSL, 527/2014) 202 § ja báikkálaš diliid vuhtiiválddedettiin dustet birrasa billašuvvama ja jávkadit ja geahpedit billašuvvamis šaddi vahágiid nu mo birasgáhttenlágas lea ášahuvvon.

### 2 § Mearrádusaid addin ja gohcin

2.1 § Birasgáhttenmearrádusaid lea addán birasgáhttenlága 202 § vuodul Eanodaga váldostivra.

2.2 1 Dáid mearrádusaid čuovvuma gohcá YSL 22 § mielde gieldda birasgáhtteneiseváldi. Eanodaga gielddas birasgáhtteneiseváldin doaimbá Soađegili gieldda teknihkalaš lánvegeotti vuolde birasossodat.

2.3 § Gieldda birasgáhtteneiseváldi sáhtta sirdit birasgáhttenmearrádusa doaimbaválddi iežas vuollásaš virgehálldašeaddjái nu mo gielddaid birasgáhttema hállddahas addojuvvon lága (64/1986) 7 §:s ášahuvvo.

### 3 § Mearrádusaid heiveheapmi ja oktavuohhta eará mearrádusaide

3.1 § Dát birasgáhttenmearrádusat leat fámus olles Eanodaga gieldda guovllus, jus sierra mearrádusas ii eará mearriduvvo.

3.2 § Birasgáhttenlága 202 § 2 momeantta mielde birasgáhttenmearrádusat eai sáhte guoskat:

- 1) lobivuloš, almmuhanvuloš dahje dakkár doaimma, mii registrerejuvvo;
- 2) 31 §:s oaivilduvvon geahččalanlunddot doaimma;
- 3) 120 §:s oaivilduvvon spiehkastatadiliid; 3
- 4) 136 §:s 1 momeanttas oaivilduvvon billašuvvan eananvuodu ja bodnečázi buhtisteami almmuhanmeannudeami;
- 5) bealuštanfámuid dahje rádjegohcinlágádusa doaimma.

3.3 § Birasgáhttenmearrádusaid čuovvut eará gielddalaš mearrádusaid lassin ja dárbbu mielde ovttas daiguin.

3.4 § Eará eiseválddit galget lohpeáššiid mearridettiin dahje eará eiseváldemearrádusa dagadettiin váldit vuhtii mii gv. áššis ášahuvvo birasgáhttenlágas.

#### 4 § Meroštallamat

Vuolábeale meroštallamat gusket dáid mearrádusaid.

**Árgan** oaivvilda vahkkobeivviid vuossárggas bearjadahkii, earret árgabasisit ja mihcamarruohtta ja juovlaruohtta.

**Ássanguovlluin** oaivvilduvvo ássanviessu dahje dan šillju. Maiddáii luopmovisti ja dan šillju dulkojuvvo ássanguvlui gullevažžan.

**Ássivásttalohku** oaivvilda bázahusčáhcebuhtistanlágádusaid noađi mihttoovttadaga, mii govvida ovttá olbmo dálloalalus šaddan gaskamearalaš jándornoađi, mihtiduvvo dábálaččat biologalaš oksygenagolahussan (BOD7).

**Ránes bázahusčázit** oaivvilda dállođuoluid bázahusčázi, mii ii sisttisdoala hivssetbázahusčáziid (cissa dahje baikka).

**Rášes guovlluin** oaivvilduvvojit ee. bodnečáhceguovllut, gáddeguovllut ja eará rášes guovllut, nugo luondugáhttenguovllut.

**Bázahusčázi vuodđodási ángirut buhtistangáibádusain** oaivvilduvvo dássi birasgáhttenlága 156 c § mielde.

**Bázahusčázi vuodđodási buhtistangáibádusain** oaivvilduvvo dássi birasgáhttenlága 154 b § mielde.

**Hivssetbázahusčáhci** oaivvilda bázahusčázi, mii sisttisdoallá cissa dahje baikka.

**Eananjamihagain** oaivvilduvvo bázahusčáhcevuogádat, mas bázahusčáhci stivrejuvvo juohkingierdái biddjon njamihanbohcciid bokte eatnamii. Bázahusčáhci deaddašuvvá bodnečázi guvlui ja sillašuvvá seammás go golgá eanagerddiid čađa.

**Eananvuodđogiedáhallamiin** oaivvilduvvo eananjamihat dahje eanasillehat

**Eanasillehagain** oaivvilduvvo bázahusčáhcevuogádat, mas bázahusčáhci stivrejuvvo juohkingierdái biddjon njamihanbohcciid bokte sierra sillengierdái, mii sáhttá leat sillensáttu dahje fabrihkaráhkaduvvon sillenmateriála dahje guktot. Sillengeardi vuolábealde lea čohkkengierdi ja čohkkenbohcit, main filtererejuvvon bázahusčáhci stivrejuvvo burginbáikái, ovdamearkka dihtii rávaroggái.

**Bodnečáhceguovlluin** oaivvilduvvo guovlu, man sáhttá ráddjet geologalaččat ja man eananvuodđu čohkiidus dahje baktevuodđu avádat dahká vejolažžan mearkkašahhti bodnečázi gulgama dahje čáziváldima. Guovllut leat ráddjejuvvon

diehtovuogádahkii (ee. <https://www.vesi.fi/karttapalvelu/> ja <https://kartta.paikkatietoikkuna.fi/>), ja leat dáid mearrádusaid čuovusin 1.

**Bodnečázi šaddanguovlluin** oaivilduvvo guovlu, mas arve- ja suddančázit njammasit eananvuđđui ja dain šaddá bodnečáhci. Guovllut leat ráddjejuvvon diehtovuogádahkii (ee. <https://www.vesi.fi/karttapalvelu/> ja <https://kartta.paikkatietoikkuna.fi/>).

**Boazoáiddiin** oaivilduvvo áidojuvvon guovlu, mii geavahuvo bohccuid dálveáidumii, lassebiebmamii, gieđahallamii dahje guođoheapmái nu, ahte bohccot leat guovllus guhkit áiggiid ja dain šaddan birasnoađđi čuoheá ráddjejuvvon guvlui.

**Gáddeavádagain** oaivilduvvo eanan 100 mehtera mátkkis gáddelinnjás, mii lea mihtiduvvon čázádaga gaskačáhceallodagas.

**Riidengittiin** oaivilduvvo olgun, riidemii oaivilduvvon, huksejuvvon hárjehállanguovlu.

**Čoahkkebáikkiin** oaivilduvvo ornetlága (su. järjestyslaki) (612/2003) 2 § meroštallama mielde čoahkkebáikemearkkaiguin (johtolatmearkkat) ráddjejuvvon guovlu.

**Dállodoallobázahusčáziin** oaivilduvvojit ássanviesuid, doaimmahagaid, fitnodatviesuid ja lágádusaid čáhcehivssegiin, kievkkaniin, basadansajiin ja daid sullasaš sajiin ja rusttegiin boahhti bázahusčázit ja bázahusčázit, main leat sullasaš iešvuodát ja sisdoallu ja mat šaddet návehiid mielkelanjain ja eará ealáhusdoaimmas.

**Váralaš kemikálain** oaivilduvvojit CLP-ásahusa (EY N:o 1272/2008) mielde klassifiserejuvvon ja merkejuvvon kemikálat, mat leat váralaččat dearvasvuhtii ja birrasii, ja fysikálalaččat (buollin- ja bávkkehanvára). Dan lassin váralaš kemikálan leat meroštallon eará buolli golgosat (buollánčuokkis 60–100 °C) álbmotlaš láhkaásaheami vuodul.

**Čáhceváldinsaji suodjeguovlluin** oaivilduvvo guovlu čáhcelága (587/2011) 4 logu 11 § mielde.

**Čázádagain** oaivilduvvo čázádat čáhcelága (587/2011) 1 logu 3 § 1 momeantta 3 čuoggá mielde.

**Uhcánaš bázahusčáziin** (ng. guddojuvvon čáhci) oaivilduvvojit earát go čáhcehivssega bázahusčázit, maid mearri lea uhcánaš ja mat eai sáhte nuoskkidit birrasa. Vissui ii boađe aitosáš čáhcebohcci, muhto čáhci vižžo ieš dahje pumpejuvvo; ovdamearkan sávdni, masa eai leat biddjon čáhcereaidut, nugo

čáhcebohcci, čáhcelieggadat dahje riššu. Čázi geavaheapmi lea uhcánaš ja hálddašuvvon; čáhci geavahuvvo eanáš lievlla diškumii ja basadeapmái.

## ŠLÁMA JA SPARGASA DUSTEN

### 5 § Doaimmat, maidda ii heivehuvvo birasgáhttenlága 118 § meannudeapmi

5.1 § Birasgáhttenlága 118 §:s oaivvilduvvon almmuhusa doaimmas, mas šaddá šlápma ja sparggas (ng. šlápmaalmmuhus, su. meluilmoitus), ii dárbbas dahkat čuovvovaš gaskaboddosaš doaimmain:

- 1) sirkus dahje tivola;
- 2) rakehtaid báhččin;
- 3) olgoáibmokonsearta dahje almmolaš dilálašvuohta, mii lágiduvvo oktii ja mii bistá eanemustá 2 beaivvi ja ordnejuvvo dii 9-22;
- 4) mohtorvaláštallandáhpáhus dahje -gilvu, mii bistá eanemustá 2 beaivvi ja mii ordnejuvvo dii 9-18;
- 5) seamma girdilan- ja seaivunbáikkis dáhpáhuvi gaskaboddosaš girdindoaimma, mii bistá álggaheamis gitta loahpaheapmái eanemustá 5 beaivvi ja mii čađahuvvo eanemustá guovtti manjálas vahkkoloahpa áigge dii 7-22;
- 6) bávkanbargu, go bargu bistá eanemustá 5 beaivvi ja bargu čađahuvvo árgan dii 8-18;
- 7) časkinstolpen ja geađgeávdnasa mollen, bovrren, cuvken dahje eará bargu, mii oažžu áigái duođaid unohas šláma, go bargu bistá eanemustá 10 beaivvi ja bargu čađahuvvo árgan dii 7-18;
- 8) huksen-, burgin-, dikšun-, divvun- dahje buhtistanbargu, mas geavahuvvojit gaskaboddosaččat rusttegat, mat ožžot áigái duođaid unohas šláma, go bargu bistá eanemustá 10 beaivvi ja bargu čađahuvvo árgan dii 7-18;
- 9) eanan- ja meahccedoalu doaimmat.

5.2 § Dikšunlágádusa, beaiveruovttu, skuvlla dahje eará sullasaš lágádusa lahkosis (200 mehtera) gaskaboddosaš doaimmas, mas šaddá erenomáš unohas šlápma dahje sparggas, galgá álo almmuhit birasgáhttenlága 118 § mielde, jus doaimma deaivá lágádusa rabasaiggiide. Go doaimma dáhpáhuvá njuolga Natura- dahje eará luondugáhttenguovllu lahkosis, galgá šlápmaalmmuhusa dahkat álo.

5.3 § Huksejeaddji, huksenhoavdda dahje dáhpáhusa ordnejeaddji galgá lihkká almmuhit ovddalgihtii ovddabealde logahallon bargguin dahje dáhpáhusain, main šaddá erenomáš unohas šlápma, ássiide ja dakkár oassebelliide, geaid bargu sáhtta hehttet ja maiddá gieldda birasgáhtteneiseváldái. Dieđáhusa galgá juohkit manjimustá čieža beaivvi ovdal barggu dahje dáhpáhusa álggaheami. Dieđáhusas galgá čielgat barggu/dáhpáhusa ollislašbistin, beaivválaš doaibmanáiggit, barggu/dáhpáhusa ordnejeaddjit ja ovddasvástideaddjiid oktavuohtheadieđut. Vástideaddji olmmoš galgá leat olámuttus dieđáhusa oktavuohtheadieđuid bokte olles dan áiggi, man bargu/dáhpáhus bistá.

## 6 § Unohas šlápma ihkku

6.1 § Dakkár mášeniid ja rusttegiid geavaheapmi, main šaddá erenomáš unohas šlápma dahje sparggas, lea gildojuvvon ihkku (dii 22-7) ássanviesuid ja eará dakkár báikkiid lahkosis, maid bargu sáhtta hehttet.

6.2 § Ráddjehus šlámas ihkku ii guoskka čuovvovaš doaimmaid:

- 1) doaimmat, main galgá dahkat Birasgáhttenlága 118 § mielde šlápmaalmmuhusa;
- 2) eana- ja meahccedollui ja priváhtadállodollui vealtameahttun doaibma, mas šaddá gaskaboddosaš ja oanehis unohas šlápma, nugo ovdamearkan muhki vuodjin, fuođđara láddjen dahje muohtabarggut;
- 3) johtolagaid ja servodattekniikalaš rusttegiid ortnegisdoallanbargui gulli dahje sullasaš barggut, jus barggu čađaheapmi lea johtolatdorrvolašvuoda, johtolaga njuovžilvuoda dahje eará ákkastallojuvvon siva dihtii vealtameahttun.

## ÁIMMUGÁHTTEN

### 7 § Huksen-, burgin-, ortnegisdoallan- ja buhtisindoallanbarggut

7.1 § Visttiid julggabeliid ja olgosajiid ráhkadusaid dahje dávviriid málen- ja sáddobossun- dahje eará divodan- ja burginbargguid oktavuodas galgá fuolahit das, ahte doaimmain šaddan gavjá, luvvadanávnnaslievllat dahje eará dan sullasaš luoittut eai hehte dahje vahágahtte lagašguovllu ássiid dahje birrasa.

7.2 § Gálvvuide, mat geavahuvvojit huksemis ja burgimis, galgá fuolahit dárbbášlaš gavjjadustema. Luoittuid leavvama birrasii galgá eastit ovdamearkan gokčamiin, doarvái njuoskademiin dahje nu ahte bargá bargguid dalle go lea njuoska siivu, dahje muhtin eará heivvolaš ja doarvái beaktillis vugiin. Erenomážit dalle galgá fuolahit gavjja ja luoittuid eastimis go bargat ovdamearkka dihtii skuvllaid, beaiveruovttuid, dikšunlágádusaid dahje eará sullasaččaid lahkosis.

## 8 § Visttiid boaldin

8.1 § Visttiid jávkadeapmi boaldimiin lea dábálaččat gildojuvvon. Visttiid oažžu boaldit dušše gádjuneiseválddi mearrádusain man birasgáhtteneiseváldi lea guottihan.

## KEMIKÁLAT

### 9 § Váralaš kemikálaid ja váralaš bázahusaid vurken ja gieđahallan

9.1 § Váralaš kemikálaid ja váralaš bázahusaid vurkema, deavdin- ja juohkinbáikkiid ja gieđahallama galgá ordnet giddodagas nu, ahte dat eai beasa bázahusčáhce- dahje stulčičáhcebohcciide, eatnamii, giera- ja bodnečáziide ja eará birrasii.

9.2 § Váralaš golggus kemikálaid ja bázahusaid, mat seailuhuvvojit giddat lihtiin, galgá seailuhit nana vuođu alde duppalolgoštánkkain, gokčojuvvon tánkkain, main leat suodjeáldát, lihtiin dahje eará sullasaš vugiin. Ovddabealde máinnašuvvon seailuhanvuogit galget leat teahttasat ja dat galget gierdat vurkejuvvon kemikálaid ja bázahusaid váikkuhusa, omd. korrošuvnna. Váralaš golgi kemikála- ja dahje bázahuslihtiid suodjeáldá geassu galgá leat unnimustá stuorámuš vurkejuvvon lihtti geasu mielde. Arvečáhci ii galgga beassat suodjeáldásii.

9.3 § Sirdojuvvon kemikálaid dahje boaldámušaid lihti galgá geavahanbáikkis bidjat dássidis ja nana vuođu ala ja lihtit galget leat teahttat.

9.4 § Giddes boaldámuša dahje eará kemikálaid deavdin- ja juohkinbáikki galgá bidjat daškes vuđđui, mii lea bajilduvvon dakkár ávdnasiin, mii ii luoitte kemikálaid čađa, ja mas vejolaččat golgan ávdnasa sáhtta čohkket. Bajildanávdnasa sáhtta bajidit ravddain dahje állet ollásit čihkii, man stulčičáziid olggosgolganráiggi galgá gokčat lihti deavdima áigái. Mearrádus ii guoskka giddodagaid liggeroljotánkkaid deavdinbáikkiid.

9.5 § Tánkkat galget leat unnimustá 5 cm eret vuođus

9.6 § Oljo- ja boaldámuštánkkas galgá eastit bajidanbohcci geavaheami (su. laponesto) ja badjelmearedeavdima. Tánkka sirdinpumpa ja deavdinbohcci galget leat lohkas barggu olggobealde ja dárbbu mielde muđuige boasttogeavaheami eastima dihtii.

9.7 § Váralaš kemikálaid ja bázahusaid vuorkkáid ja tánkkaid galgá lohkkadit, dahje muđui fuolahit das ahte váralaš kemikálat ja bázahusat eai leat olggobeale olbmuid olámuttus.

9.8 § Kemikálaid gieđahallan- ja vurkenbáikkiin galgá leat njammadanávnnas ja reaidut vejolaš golvamiid leavvama eastima, čoaggima ja čohkkema várás.

#### 10 § Lassemearrádusat kemikálaid vorkemis bodnečáhceguovllus

10.1 § Oljoliiggenrusttegiidda, mat laktojuvvojit liggenoljotánkii, galgá bodnečáhceguovllus bidjat ovttabohccivuogádaga.

10.2 § Bodnečáhceguovlui ii oaččo bidjat ođđa eatnanvuloš váralaš golgi kemikálaid ja váralaš golgi bázahusaid tánkkaid. Bodnečáhceguovllu eatnanvuloš oljo-, boaldámuš- dahje eará kemikálatánkka ii oaččo divodit nu ahte dasa bidjá bajildanávdnasa.

## BÁZAHUSAT

#### 11 § Muhtun bázahusaiguin ávkkástallan eanahuksemis

11.1 § Betonja-, tiilla-, oljočievrra ja mollejuvvon asfáltta ávkin atnin eanahuksemis lea lobálaš dušše duohta dárbut go sáhka lea luondduávdnasiid buhttemis. Gieldda birasgáhtteneiseváldái galgá almmuhit betonja-, tiilla-, oljočievrra ja mollejuvvon asfáltta ávkin atnimis eanahuksemis dalle, go bázahusain ávkkástallan ii leat ámmát- dahje lágádusdásis.

11.2 § Bázahusaiguin ávkkástallan eanahuksemis lea vejolaš dáid eavttuiguin:

- 1) materiálas eai leat birrasii dahje dearvasvuhtii váralaš ávdnasat iige dat dagat earáge vahága dahje vára birrasii.
- 2) materiálas ii leat nannenstálii;
- 3) materiála lea mollejuvvon dahje ráhkaduvvon pulvvarin geavahanullbmilii heivvolažžan (betonja-, geahppabetonja- ja asfáltabázahusa stuhkkasturrodas eanemustá 90 mm ja tiillabázahusa stuhkkasturrodas eanemustá 150 mm);
- 4) bázahus geavahuvvo dušše dássema, guoddinnávcca ja nannodaga dáfus dárbbaslaš mearri (eanemustá 150 cm geardi);
- 5) báiki gosa biddjo ii leat bodnečáhceguovllus, dulveguovllus iige vistti vuolde dahje bohccerokkis;
- 6) bázahusráhkadusgeardi lea unnimustá 30 mehtera geahčen čázadagas, buhtesčáhcegáivvos dahje gáldus;

- 7) ráhkadus, mas lea bázahus, gokčojuvvo (mollejuvvon ávnnas ded.) dahje dan ala biddjo gokčanávnnas (asfálta, leikejuvvon betonŋa dahje betonŋa pláhtta) earret asfáltamoallu dahje -cábastat, mii geavahuvvo bajožis.
- 8) bázahusaid guođđimii lea giddodaga oamasteaddji dahje hálddašeaddji čálalaš lohpi.

11.3 § Bázahusaid bidjamis eanavuđđui galgá dahkat gohcinalmmuhusa gieldda birasgáhtteneiseváldái. Almmuhusa galgá dahkat unnimusat 30 jándora ovdal bázahusa bidjama báikái. Almmuhusas galget bohtit ovdan anŋke dát áššit:

- 1) ávkkástallanbáikki ja gaskaboddosaš vurkemii oaivvilduvvon báikki oamasteaddji ja hálddašeaddji namma ja oktavuohtheadieđut;
- 2) giddodaga oamasteaddjis ožžojuvvon čálalaš miehtan;
- 3) sajádattevnnet dahje kárta, masa lea ráddjejuvvon ávkkástallanguovlu ja bodnečáhceguovllut, čáziváldinsajit ja čázádagat, mat leat lahkosis;
- 4) bázahusa luobaheaddji namma ja oktavuohtheadieđut;
- 5) bázahusa namma, mearri ja dárbbu mielde čielggadeapmi bázahusa váralaš ávdnasiid ávnnasdoalus ja luvvanmeriin;
- 6) čielggadeapmi sneaktačuohpastagaiguin ráhkadusas mas lea bázahus, diehtu materiálas mii geavahuvvo gokčamii dahje bajildeapmái geavahuvvon ávdnasis, vurkemis ja eará doaimmas ávkkástallanbáikkis ja dasa laktáseaddji dárbbášlaš birasgáhttendoaimmain;
- 7) ávkkástallanbáikki joatkkageavahanulbmil;
- 8) áigi, goas ávkkástallan eanahuksema áigge álgá ja nohká.

11.4 § Ávkkástallanbáikki hálddašeaddji galgá eanahuksema oktavuodas doallat bázahusaid ávkkástallamis girjedolu ja ovdanbuktit dokumentašuvnna gieldda birasgáhtteneiseváldái eanahuksema nogadettiin.

11.5 § Giddodaga hálddašeaddji dahje oamasteaddji molsašuvadettiin bázahusa geavaheamis eanahuksema galgá addit dieđu ođđa hálddašeaddjái dahje oamasteaddjái.

## 12 § Eatnanvuloš oljotánŋka geavahusas eret bidjan

12.1 § Geavahusas eret biddjon eatnanvuloš oljo-, boaldámuš- dahje eará kemikálatánŋka galgá gurret, buhtistit, dárkkistit ja váldit eret eatnamis buot

osiiguin. Dárkkistusa galgá dahkat Dorvolašvuođa- ja kemikáldoaimmahaga (Tukes) dohkkehan dárkkisteaddji dahje dárkkistanfitnodat.

12.2 § Duođaštusa tánkka eret váldimis ja buhtisteamis galgá seailluhit giddodagas, ja giddodaga hálddašeaddji dahje oamasteaddji molsašuvadettiin dieđu dahkkon doaimmain galgá doaimmahit ođđa hálddašeaddjai dahje oamasteaddjai. Tánkka dárkkistanbeavdegirji ja duođaštusa tánkka eret váldimis galgá bivddedettiin doaimmahit gieldda birasgáhtteneiseváldái.

12.3 § Eret váldon oljotánkka galgá doaimmahit dakkár vuostáiváldinbáikái, mas lea lohpi vuostáiváldit dakkár bázahusa.

### 13 § Deattagiedáhhallojuvvon muora geavaheapmi

13.1 § Kroma, veikki ja arsena (CCA) sisdoalli dahje kreosohtain industriálas gallehuvvon, geavahusas eret váldon muorragálvvu ođđasisgeavaheapmi lea gildojuvvon dalle, go doaibma ii leat ámmátlaš ja/dahje industriála.

13.2 § CCA-gallehuvvon muorragálvvu ii oaččo geavahit ássanguovlluin iige dálldoalus.

13.3 § Kreosohtain gallehuvvon muorragálvvu ii oaččo geavahit ássanguovlluin.

13.4 § CCA-gallehuvvon dahje kreosohtain gallehuvvon muorragálvvu ii oaččo geavahit bodnečáhceguovllus.

### 14 § Bákte- ja energijabovrragáivvuid bovrren ja eará bohkan

14.1 § Báktebovrragáivvo ja energijabovrragáivvo bovrremis ja eará bohkamis šaddi roavva geađgeávnas ja čázi ja giddatávdnasis šaddan mođi galgá giedáhallat nu ahte dat ii hehte birrasa dahje ránnjái. Boveremis šaddi mođi ii oaččo dakkárin stivret njuolga čázadahkii, rávaroggiide dahje luoittáhagaide. Jus mođis earuhuvvon čáhci stivrejuvvo bovrrejuvvi giddodaga eanavuđđui njamihanláhkai dahje rávarokkiide, dan galgá dahkat nu ahte ránnjágiddodat ii njuoskka dahje dan rávarokkit eai buođđoluva.

14.2 § Mođis earuhuvvon geađge- ja giddesávdnasa galgá čohkket ja doaimmahit dakkár vuostáiváldinbáikái, mas lea lohpi vuostáiváldit dakkár bázahusšlájá. Geađge- ja giddes ávdnasa galgá vurket barggu áigge nu, ahte dat ii beasa leavvat hálddašmeahttumit birrasii.

## ČÁZIIDGÁHTTEN

### 15 § Bázahusčáziid gieđahallan guovlluin bázahusčáhcebohccfierpmádagaid olggobealde

15.1 § Gáddeavádagas bázahusčáziid galgá juogo gieđahallat nu, ahte birrasii šaddi noađuheapmi geahppána orgánalaš ávdnasa buohta unnimustá 90 proseantta, ollislašfosfora buohta unnimustá 85 proseantta ja ollislašdáhpa buohta unnimusat 40 proseantta go veardida bieđggoássanguovllu noađuhanlogu vehkiin meroštallojuvvon gieđahalakeahtes bázahusčázi noađuhussii, dahje bázahusčáziid galgá čoaggit obbagáivvui, mas lea dievvanalárpma.

15.2 § 1-luohká bodnečáhceguovllus ja čáhceváldinsaji suodjeguovllus bázahusčáziid njamiheapmi eanavuđđui ja stivren birrasii lea gildojuvvon. Bázahusčáziid galgá čoaggit obbagáivvui dahje stivret buhtistuvvon čáziid bodnečáhceguovllu olggobeallai.

15.3 § 2-luohká bodnečáhceguovllus hivesetbázahusčáziid njamiheapmi eatnamii dahje stivren birrasii lea gildojuvvon. Hivesetbázahusčáziid galgá čoaggit obbagáivvui dahje stivret buhtistuvvon čáziid bodnečáhceguovllu bodnečázi šaddanguovllu olggobeallai njamihanláhkai. Ránes bázahusčáziid sáhtá buhtistuvvon hámis njamihit eatnamii.

15.4 § Dán čuoggá momeanttat 1, 2 ja 3 eai guoskka smávva bázahusčáhcemeriid. Smávva bázahusčáhcemeriid sáhtá njamihit hálddašuvvon vuogi mielde eanavuđđui, muhto ii 15 mehtera lagabui čázádaga. Eanavuodđu galgá heivet bázahusčáziid njamiheapmái eaige bázahusčázit oaččo golgat njuolga čázádahkii dahje rávaroggái.

15.5 § Goikehivssat ja bázahusčáhcevuogádat, earret njamihangieddi ja eanasillehat, galgá leat teaktis, iige dohko oaččo mange dilis beassat dulce-, golgan- dahje stulčečázit.

15.6 § Bázahusčáziid gieđahallanrusttegiid ja buhtistuvvon dálloallobázahusčáziid burginbáikki bijadettiin giddodagas galgá váldit vuhtii eanadat-, eanavuodđu- ja bodnečáhcediliid. Báikái bidjamis galgá čuovvut tabeallas 1 ovdanbukton unnimussuodjegaskkaid.

Tabella 1 Unnimmussuodjegaskkat dálloallobázahusčáziid gieđahallanvuogádahkii (eatnamii njamiheapmi, eanasillehat, rusttet- nappo unna buhtistanlágádus, obbagáivvui, vuojulduhtintánka) ja buhtistuvvon dálloallobázahusčáziid burginbáikkiide.

Báiki	Unnimmussuodjegaska (m)	
	Hivssetbázahusčázit	Ránes bázahusčázit
Čáhceváldinsadji	200	100
Dállodoalločáhcegáivvo	30	20
Gáldu	30	20
Geaidnu dahje tontte rádji	5	5
Čázádat	30	30
- obbagáivvo	15	15
Bodnečáhcai	Eatnamii njamihan– juohkingearddi botnis galgá leat unnimusat 1,0 mehtera suodjegaska bajimus bodnečázi gierragii.	
	Eanasillehaga čohkkengearddi botnis galgá leat unnimusat 0,25 mehtera suodjegaska alimus bodnečázi gierragii.	

15.7 § Sulluide dahje giddodagaide, maidda ii leat geaidnooktavuohta birra jagi, ii oaččo hukset dakkár bázahusčáhcevuogádaga, mii gáibida doaimmamii vuojulduhttingáivvo, obbagáivvo dahje sullasaš jeavddalaš gurrema.

15.8 § Bázahusčáhcevuogádaga dikšumis ja gáivvuid gurremiid galgá mearkut bajás, ja girjedoalu galgá bivdagis čájehit gieldda birasgáhtteneiseváldái.

15.9 § Dakkár bázahusčáziid gieđahallanvuogádahkii, man geavaheaddjilohku lea badjel 20, galgá ráhkadit vuogádaga geavaheapmái ja dikšumii guoski dárkonplána, man gieldda birasgáhtteneiseváldi galgá dohkkehit. Bázahusčáziid gieđahallanvuogádahkii galgá maiddái nammadit olbmo, gii vástida dan dikšumis.

16 § Vuodjinfievrruid, mášeniid, fatnasiid ja eará sullasaš rusttegiid ja tekstiillaid bassan

16.1 § Vuodjinfievrruid, mášeniid ja eará dan sullasaš rusttegiid bassan čázádagas ja almmolaš báikkiin lea gildojuvvon.

16.2 § Fatnasiid bassan čázádagas bassaladdanávdnasiiguin lea gildojuvvon.

16.3 § Vuodjinfievrruid, mášeniid, fatnasiid ja sullasaš rusttegiid bassan luvadanbassanávdnasiiguin bodnečáhceguovllus dahje gáddeguovllus lea lobálaš dušše dasa oaivvilduvvon huksejuvvon bassanbáikkis, mas bassaladdančázit stivrejuvvojit sáddo- ja oljosirrejeaddjiid bokte bázahusčáhcebohccfierpmádahkii dahje dasa oaivvilduvvon ja dohkkehuvvon bázahusčáziid gieđahallanvuogádahkii.

16.4 § Láhtteránuidbassanbáikki ii oaččo vuodđudit nu ahte bassaladdančázit stivrejuvvojit gieđahallama haga njuolga čázádahkii.

## **EANANDOALLU JA EALLIT JA BOAZODOALLU**

**17 § Veahkagilvvaniid geavaheapmi guovlluin, mat billašuvvet álkit**

17.1 § Loahkkemuhki ja gučča lebben lea gildojuvvon bodnečáhceguovllus

17.2 § Goikemuhki lebben lea gildojuvvon 1-luohká bodnečáhceguovllus.

**18 § Muhkerájuid, ealliidsujiid ja ealliid olgogárddiid báikki váljjen**

18.1 § Ođđa, ealliide oaivvilduvvon olgogárddiid vuodđudeapmi bodnečáhceguvlui lea gildojuvvon, baicce jus bodnečáhce- ja eanavuodđučielggademiin čájehuvvo, ahte doaibma ii bilit dahje sáhte bilidit bodnečázi.

18.2 § Ealliid olgogárddiid dahje riidengiitti báikki váljjemis galgá čuovvut dáid unnimussuodjegaskkaid vuolábeale báikkiin:

- 1) dálloalu čáhcegáivvo, gáldu 30 m;
- 2) čázádat 20 m;
- 3) váldorávaroggi 10 m.

18.3 § Ealliid čuskkodanbáikkiin ja riidengittiin galgá čoaggit jeavddalaččat baikkaid, mat leat čoaggimis, ja bidjat muhkerádjui.

**19 § Beatnagiid gárdun**

19.1 § Unnimusat 10 beatnagii oaivvilduvvon ođđa beanagárddi ceggen bodnečáhceguvlui lea gildojuvvon, baicce dalle jus bodnečáhce- ja eanavuodđočielggademiiguin čájehuvvo, ahte doaibma ii bilit dahje sáhte bilidit bodnečázi. Unnimusat 10 beatnagii oaivvilduvvon ođđa beanagárddi huksen čázádaga gáddeguvlui lea gildojuvvon.

## 20 § Boazodoallu

20.1 § Ođđa boazogárdiid vuodđudeapmi bodnečáhceguvlui lea gildojuvvon, jus bodnečáhce- ja eanavuodđočielggademiiguin ii čájehuvvo, ahte doaibma ii bilit dahje sáhte bilidit bodnečázi.

20.2 Boazogárddi báikki vállejmis galgá čuovvut dáid unnimussuodjegaskkaid vuolábeale báikkiin:

dállodoalu čáhcegáivvo, gáldu 30 m;

## EARÁ MEARRÁDUSAT

### 21 § Muohttaga vuostáiváldinbáikkid

21.1 § Muohttaga vuostáiváldinbáikkiid galgá vállet ja fuolahit nu ahte dat eai bilit birrasa eaige hehte menddo olu guovllu ássiid ja eará eanangeavaheami. Suddančázit eai oaččo njuoskadit dahje muđuid vahágahttit ránnjágiddodagaid birrasa.

21.2 § Muohttaga vuostáiváldinbáiki ii oaččo leat bodnečáhceguovllus, čázadagas iige čázadagaid gáddeguovllus. Muohttaga čohkken čázadahkii lea gildojuvvon.

21.3 § Muohttaga vuostáiváldinbáikki hálldašeadji galgá fuolahit das, ahte vuostáiváldinbáikkis ja dan birrasis čorgejuvvojit bázahusat jahkásaččat dalán go muhta lea suddan. Hálldašeadji galgá dan lassin fuolahit das, ahte guvlui eai buktojuvvo eará bázahusat.

### 22 § Spiehkaseapmi

22.1 § Gieldda birasgáhtteneiseváldi sáhtta girjjálaš ohcamušas mieđihit sierra spiehkaseami dáid mearrádusain YSL 202 § 4 momeantta mielde. Spiehkaseapmái dárbbášuvvo erenomáš sivva. Mearrádusas spiehkaseapmi ii oaččo dagahit birrasa billašuvvama dahje vára das iige áitit dáid birasgáhttenmearrádusaid ulbmiliid ollašuvvama. Spiehkaseapmi gieđahallojuvvo hálldahuslága (434/2003) mielde. Birasgáhtteneiseválddi mearrádussii ohccojuvvo nuppástus numo birasgáhttenlágas ásahuvvo nuppástusohcama birra.

22.2 § Birasgáhttenmearrádusaid guoski spiehkastanohcamuša gieđahallamis berrojuvvo gieđahallanmáksu birasgáhtteneiseválddi távssa mielde.

### 23 § Birasgáhttenmearrádusaid rihkkun ja čuovvumušat

23.1 § Dáid mearrádusaid rihkkuma ja healbadeami bákkuhanvugiin ja čuovvumušain ásahuvvo birasgáhttenlága 18 logus.

23.2§ Birrasa bilideamis ásahuvvo riikslága 48 logu 1-4 §:S ja birasgáhttenlága riikkumis YSL 225 §:s.

## FÁPMUIBOAHTIN

Dát mearrádusat bohtet fápmui, go mearrádus lea ožžon lága fápmudusa.

Fápmui boađedettiin dát mearrádusat buhttejit 15.11.2012 § 40 Eanodaga gielddas addojuvvon birasgáhttenmearrádusaid.